



Bilten Saveza općina i gradova Federacije Bosne i Hercegovine



Godina: XIX

Datum: 22.04.2022.

Broj: 280

ODRŽANA 5. SJEDNICA KOMISIJE ZA EKONOMSKI RAZVOJ OPĆINA I GRADOVA I FINANSIJE

Peta sjednica Komisije za ekonomski razvoj općina i gradova i finansije održana je 17.03.2022. godine. Najvažnije teme koje je Komisija obradila su

1. Inicijativa za uspostavljanje mreže internih revizora općina i gradova u FBiH
2. Naknade koje komercijalne banke obračunavaju na prekomjernu likvidnosti, odnosno dodatna naknada za vođenje računa
3. Inicijativa Udruženja banaka FBiH oko izmjene Zakona o zateznoj kamatnoj stopi, tj. pitanje tumačenja retroaktivnosti Zakona

Komisija je podržala osnivanje mreže internih revizora unutar Saveza općina i gradova FBiH, te smatra da će osnivanje Mreže unaprijediti rad interne revizije općina i gradova, međusobnu koordinaciju i razmjenu informacija o internoj reviziji.

Što se tiče 2. tačke, Komisija smatra je uvođenja naknade za višak likvidnosti za općine i gradove u FBiH neopravdano sa stanovišta upravljanja javnim sredstvima, a naročito namjenskim sredstvima. U tom smislu, potrebno je da SOGFBiH uputi dopis Udruženju banaka BiH, sa zahtjevom da se općine i gradovi, tj. javni sektor izuzme od ove naknade, odnosno da se ova naknada smanji, posebno imajući u vidu da javni sektor nema viškove likvidnosti, nego sredstva koja su namjena za implementaciju projekata, a koji mogu imati višegodišnji karakter.

Treća tačka dnevnog reda ticala se Zakona o zateznoj kamatnoj stopi. Udruženje banaka BiH obraćalo se više puta Federalnom parlamentu i Vladi FBiH sa zahtjevom za autentično tumačenje pojedinih članova Zakona, a nakon pravnog shvatanja Vrhovnog suda FBiH da se čl. 4 pomenutog Zakona ne ograničava da iznos zatezne kamate ne može biti veći od iznosa duga za dugovanja nastala prije stupanja na snagu Zakona. Vlada FBiH je dala autentično tumačenje Zakona, u kojem je objašnjeno da je intencija Zakona bila da se ograniči iznos kamate i za dugovanja koja su nastala prije stupanja na snagu novog Zakona, međutim ovo autentično tumačenje nije ušlo u parlamentarnu proceduru kroz komisije Parlamenta.

Savez općina i gradova FBiH će uputiti inicijativu za autentično tumačenje čl. 5 i čl. 6 Zakona o visini zatezne kamatne stope (Sl. list FBiH br.: 18/20), a kako bi se otklonile pravne nejasnoće u pogledu obračuna kamatne stope na dugovanja do datuma donošenja Zakona, i nakon tog datuma.

SOGFBiH I UPKP U FBiH POTPISALI MEMORANDUM O SARADNJI

Dana 15. aprila 2022. godine direktorica Saveza općina i gradova Federacije Bosne i Hercegovine (SOGFBiH) Vesna Travljanin i predsjednik Upravnog odbora Udruženja/Udruga preduzeća/poduzeća komunalne privrede/gospodarstva u Federaciji Bosne i Hercegovine Selim Babić potpisali su Memorandum o saradnji u oblasti kreiranja politika i propisa u oblasti vodosnabdijevanja, odvodnje i prečišćavanja otpadnih voda u Federaciji Bosni i Hercegovini.



USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska pitanja
halko@sogfbih.ba

KORISNI LINKOVI ZA FONDOVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

Ciljevi memoranduma ogledaju se u zajedničkom zastupanju interesa pred državnim, federalnim, kantonalnim i općinskim/ gradskim organima i institucijama, kao i međunarodnim i domaćim organizacijama, zajedničkom pripremanju i implementaciji projekata i drugih aktivnosti od interesa za potpisnike i njihove članice, umrežavanju i saradnja sa udruženjima i njihovim članicama na lokalnom i regionalnom nivou i šire, podsticanje i razvijanje međusobne saradnje jedinica lokalne samouprave i JKP u FBiH, kao i u oblasti jačanja kapaciteta UPKP u FBiH i SOGFBiH kroz različite oblike edukacije u svrhu unapređenja sopstvenih djelatnosti, kao i za efikasno korištenje sredstava EU i sredstava drugih međunarodnih donatora.



SAVEZ OPĆINA I GRADOVA FBiH UPUTIO PISMO PODRŠKE AMBASADI UKRAJINE

Savez općina i gradova Federacije Bosne i Hercegovine izražava duboko žaljenje za tešku situaciju u kojoj su se našli građani Ukrajine uzrokovanu iznenadnom agresijom Ruske Federacije, navodi se u pismu podrške ukrajinskom narodu koje je 7. marta uputila direktorica Saveza Ambasadi Ukrajine u Sarajevu.

"Sa velikom zabrinutošću pratimo ratna dešavanja u Ukrajini koja nas u velikoj mjeri podsjećaju na agresiju koju smo preživjeli 1992-95. Naše iskustvo stradanja i strahote koje danas vi proživljavate ne dozvoljavaju nam da ostanemo po strani i ne radimo ništa".

Veliki broj općina i gradova iz FBiH spremno poslati pomoć Ukrajini

"Savez općina i gradova Federacije Bosne i Hercegovine u svom članstvu okuplja sve jedinice lokalne samouprave (općine i gradovi) sa područja FBiH, ukupno 80. Značajan broj naših članica je do sada izrazio spremnost za pružanje pomoći Vladi i građanima Ukrajine. Ta pomoć se najviše ogleda u spremnosti slanja novčanih sredstava".

Savez je obavijestio Ambasadu Ukrajine da je instrukciju za uplatu novčanih sredstava, kao i listu urgentnih humanitarnih potreba uputio svim članicama sa molbom da, ko je u mogućnosti, pošalje pomoć narodu Ukrajine što je moguće prije.

Savez još jednom izražava duboko suosjećanje sa svim građanima Ukrajine.



ODRŽAN 2. SASTANAK RADNE GRUPE ZA IZRADU METODOLOGIJE PRIPADNOSTI I RASPODJELE JAVNIH PRIHODA U FBiH

Druga sastanak Radne grupe za izradu metodologije pripadnosti i raspodjele javnih prihoda u Federaciji Bosne i Hercegovine održan je 16.03.2022. godine u prostorima Vlade FBiH. Ova Radna grupa imenovana je od strane Vlade FBiH, a ima zadatak da izradi metodologiju pripadnosti i raspodjele javnih prihoda u Federaciji BiH u skladu sa ustavnim nadležnostima svih nivoa vlasti, poštujući principe transparentnosti, pravičnosti i ravnopravnosti, a koja će biti osnov za izradu novog propisa o pripadnosti i raspodjeli javnih prihoda u Federaciji BiH.

Drugi sastanak Radne grupe poslužio je za prezentaciju do sada pripremljenih analiza raspodjele prihoda, kao i razvijenih prijedloga modela za raspodjelu javnih prihoda u FBiH. U tom smislu, predstavnici Saveza općina i gradova FBiH predstavili su Analizu pripadnosti prihoda u FBiH, sa akcentom na problematiku indirektnog otplate vanjskog duga od strane općina i gradova, odnosno uticaja trenutnog sistema otplate na prihode općina i gradova. Radna grupa je zaključila da je potrebno da nova metodologija obuhvati princip po kojem svaki od nivoa vlasti, tj. krajnjih korisnika, vrši otplatu duga koji je i generisao.



RADIONICA „RODNI ASPEKTI JAVNOG INFORMISANJA U JEDINICAMA LOKALNE SAMOUPRAVE: OBUKA ZA SLUŽBENIKE I SLUŽBENICE ZA ODNOS S JAVNOŠĆU“



Radionica „Rodni aspekti javnog informisanja u jedinicama lokalne samouprave: obuka za službenike i službenice za odnose s javnošću“ održana je 14. aprila 2022. godine na Trebeviću, Hotel Pino.

Tretiranje rodni sadržaja u medijima, vrijednosti i norme vezane za rodne uloge u društvu, značenju rodne ravnopravnosti, okruženju u Bosni i Hercegovini, ključnim preprekama i izazovima za postizanje rodne ravnopravnosti, rodna ravnopravnost i objavljivanje informacija od strane lokalne samouprave, organizovanje javnih rasprava, stavljanje dokumenata na uvid javnosti su teme o kojima se diskutovalo na radionici.



Radionica je održana kroz kreativni program i aktivno učešće službenika i službenica za odnose s javnošću. Učesnici su imali priliku i da se upoznaju sa statistikama, dobrim primjerima iz ove oblasti, kao i novoj izrađenoj politici „Uvođenje principa rodne ravnopravnosti u svakodnevne aktivnosti lokalne samouprave: dostupnost i upotreba podataka razvrstanih po spolu“.

Ove aktivnosti se provode u sklopu projekta „Jačanje uloge saveza općina/opština i gradova u BiH“ kojeg finansiraju Vlada Švedske i Vlada Švicarske, a implementiraju ih Savez općina i gradova BiH i Savez opština i gradova Republike Srpske, zajedno sa Švedskom asocijacijom lokalnih vlasti (SALAR).



ZAGOVARATI PROGRAME ZA UNAPRIJEĐENJE MENTALNOG ZDRAVLJA U LOKALNIM ZAJEDNICAMA

U Sarajevu je 15. marta 2022. godine održana konferencija „Mentalno zdravlje u lokalnim zajednicama“, koju je organizovao Savez općina i gradova Federacije BiH u saradnji sa Institutom za populaciju i razvoj. Konferencija je upriličena u okviru projekta „Jačanje lokalnih kapaciteta za implementaciju Agende 2030 i principa Nikoga ne zapostaviti“ koji se provodi uz podršku NALAS-a (Mreže asocijacija lokalnih vlasti jugoistočne Evrope) i GIZ-a (Deutsche Gesellschaft für Internationale Zusammenarbeit).



Prisutnima su se obratili Vesna Travljanin, direktorica Saveza općina i gradova Federacije BiH, Emina Osmanagić, direktorica Instituta za populaciju i razvoj, dr. Goran Čerkez iz Federalnog ministarstva zdravstva, dr. Bakir Nakaš, predsjednik Zdravstvenog savjeta Općine Centar i Irina Rizvan, psihologinja i psihoterapeutkinja Instituta za populaciju i razvoj.

Govorilo se o ulozi lokalnih zajednica u zdravstvenim politikama te dobrim praksama i uspješnim primjerima JLS u FBiH u promicanju brige o mentalnom zdravlju svojih građana, kao i o utjecaju pandemije COVID-19 na mentalno zdravlje građana.

Direktorica Saveza, gđa. Vesna Travljanin je istaknula da je Savez pokrenuo aktivnosti na uspostavi i unapređenju zdravstvenih savjeta lokalnih zajednica, s obzirom da je to zakonska obaveza u skladu sa Zakonom o principima lokalne samouprave (čl.8) i Zakonom o zdravstvenoj

Savez je, procijenjujući da je mentalno zdravlje vrlo bitno za širu društvenu zajednicu, pokrenuo aktivnosti na uspostavi i unapređenju zdravstvenih savjeta lokalnih zajednica

zaštititi FBiH (čl.14), a direktno doprinosi i realizaciji (Sustainable Development Goal) SDG 3 – Dobro zdravlje i dobrobit građana. Savez je procijenio da je mentalno zdravlje vrlo bitno za širu društvenu zajednicu i sve građane te zahtijeva posebnu pažnju svih nivoa vlasti, pa tako i lokalnog nivoa koji je najbliži građanima, naročito u doba pandemije.

Konferencija je održana s ciljem stvaranja podržavajućeg okruženja za stanovništvo i jačanja multisektorske saradnje ključnih lokalnih aktera u promociji i zaštiti mentalnog zdravlja u zajednici te unapređenju usluga u ovoj oblasti.



UČEŠĆE DIREKTORICE SAVEZA OPĆINA I GRADOVA FBiH VESNE TRAVLJANIN NA KONFERENCIJI „ŽENE U POSLOVNOM SVIJETU“

Povodom Međunarodnog dana žena u Mostaru je 8. marta 2022. godine održana konferencija „Žene u poslovnim svijetu“.

Konferenciju su zajednički organizovali M. T. Abraham Grupa i Večernji list BiH. Svoje poslovne i životne priče, kao i izazove sa kojima se susreću, sa okupljenima je podijelilo šest uspješnih žena: gđa. Suzi Mikulić, zamjenica direktora Aluminij industrije, gđa. Vesna Travljanin, direktorica Saveza općina i gradova Federacije BiH, gđa. Edita Đapo, federalna ministrica okoliša i turizma, gđa. Sabina Softić, vodeća regionalna partnerica u Deloitte mreži kompanija, gđa. Helena Lončar, direktorica Zavoda za zapošljavanje Federacije BiH i Valentina Rupčić, zamjenica glavnog urednika Večernjeg lista BiH.

Prisutnima se na početku obratio gradonačelnik Mostara, gđin. Mario Kordić, koji je istakao da Mostar kao domaćin ove konferencije pokazuje da prati svjetske trendove i da stoji rame uz rame sa svjetskim prijestolnicama.



Gđa Travljanin je u svom obraćanju govorila o svom obrazovanju i stručnom usavršavanju u BiH i SAD-u te dugogodišnjem iskustvu i karijeri, koju je kao pripravnik započela u Novinsko izdavačkoj kući Oslobođenje gdje je kasnije obavljala poslove na funkciji direktora Pravne službe, a nastavila u OHR-u i OSCE-u i naposljetku u Savezu općina i gradova Federacije BiH, koji se pod njezinim rukovodstvom afirmisao kao nezaobilazna organizacija za sva pitanja koja se odnose na nivo lokalne samouprave.

Savez općina i gradova je brojao 50 članova a pod njenim rukovodstvom je ostvareno 100% članstvo, tj. ukupno 80 općina/gradova iz Federacije BiH. Gđa. Travljanin je također navela i aktivnosti Saveza u promovisanju rodne ravnopravnosti - Savez je u okviru aktivnosti na provedbi UN Održivih ciljeva razvoja 2020 –2030, konkretno Cilja broj 5 - Rodna ravnopravnost, izradio 3 nacrtu politika i to:

1. Uvođenje principa rodne ravnopravnosti u svakodnevne aktivnosti lokalne samouprave: dostupnost i upotreba podataka razvrstanih po spolu;
2. Promoviranje ravnopravnosti spolova kroz vizuru lokalnih samouprava;
3. Institucionalni mehanizmi za rodnu ravnopravnost kroz vizuru lokalnih samouprava: unapređenje rada Komisije za ravnopravnost spolova.

U Politikama su navedene preporuke za poboljšanje položaja žena u društvu, sa posebnim aspektom na lokalni nivo vlasti. Ove Politike su izrađene u okviru aktivnosti na Projektu „Jačanje kapaciteta saveza općina/opština i gradova u BiH“ kojeg finansiraju Vlada Švicarske i Vlada Kraljevine Švedske.

Gđa. Travljanin je također podcrtala da je evidentan manjak žena na načelničkim i liderskim pozicijama u BiH, pa je tako od ukupno 144 načelnika u BiH samo šest žena, tri u FBiH i tri u RS-u. Istakla je i to kako bi političke stranke na izborima trebale kandidovati više žena i zaključila da je nesumnjivo potrebno raditi na unapređenju participacije žena u politici kao i na podizanju svijesti.

Gđa. Travljanin je također podcrtala da je evidentan manjak žena na načelničkim i liderskim pozicijama u BiH, pa je tako od ukupno 144 načelnika u BiH samo šest žena, tri u FBiH i tri u RS-u. Istakla je i to kako bi političke stranke na izborima trebale kandidovati više žena i zaključila da je nesumnjivo potrebno raditi na unapređenju participacije žena u politici kao i na podizanju svijesti.

ODRŽAN SASTANAK RADNE GRUPE MREŽE PRAKTIČARA/KOORDINATORA ZA POSLOVE MJESNIH ZAJEDNICA



U Sarajevu je, 5. aprila 2022. godine održan sastanak Radne grupe Mreže praktičara/koordinatora za poslove mjesnih zajednica. Na sastanku se razgovaralo o aktivnostima saveza općina/opština i gradova FBiH i RS u okviru druge faze projekta „Jačanje uloge mjesnih zajednica u BiH“, kojeg zajednički financiraju Ambasada Švicarske u Bosni i Hercegovini i Ambasada Švedske u Bosni i Hercegovini, a provodi UNDP.

Dogovoreno je da se u maju 2022. godine održi tematski sastanak mreže praktičara/koordinatora gdje će se razgovarati o upravljanju imovinom jedinica lokalne samouprave u BiH, a okvirno je dogovoren i godišnji radni plan mreže.

ODABRANE OPĆINE I GRADOVI SA KOJIMA ĆE SAVEZ RADITI U OKVIRU PROJEKTA "JAČANJE ULOGE MJESNIH ZAJEDNICA U BOSNI I HERCEGOVINI"

U sklopu projekta "Jačanje uloge mjesnih zajednica u Bosni i Hercegovini", kojeg zajednički financiraju Ambasada Švicarske i Ambasada Švedske u Bosni i Hercegovini, a implementira UNDP, Savez općina i gradova Federacije Bosne i Hercegovine je odabrao općine i gradove koji su iskazali interes za učešće na projektnim aktivnostima u svrhu unaprijeđenja pozicije i rada mjesnih zajednica.

Nakon uspješno provedenog javnog poziva za učešće, odabrano je jedanaest jedinica lokalne samouprave, i to: Općina Bosansko Grahovo, Općina Bužim, Općina Hadžići, Općina Ilidža, Općina Kalesija, Grad Lukavac, Grad Mostar, Općina Velika Kladuša, Općina Drvar, Općina Kakanj i Općina Travnik.

Odabrane općine i gradovi će u narednom periodu, zajedno sa Savezom općina i gradova Federacije Bosne i Hercegovine, uz podršku projekta "Jačanje uloge mjesnih zajednica u Bosni i Hercegovini", provoditi aktivnosti na poboljšanju rada partnerskih općina i gradova sa svojim mjesnim zajednicama, te ponuditi ograničenu tehničku pomoć.

Ta pomoć podrazumijeva organiziranje konsultacija za utvrđivanje nove vizije mjesnih zajednica (MZ), kao i mogućnost prilagođavanja lokalnog regulatornog okvira u svrhu osnaživanja MZ. Pružanjem tehničke pomoći SOGFBiH će osigurati prijenos dobrih praksi i alata metodologije i nove vizije MZ na zainteresovane općine i gradove te će time doprinijeti horizontalnom širenju metodološkog pristupa i harmonizaciji funkcionisanja mjesnih zajednica.

Projekat "Jačanje uloge mjesnih zajednica u Bosni i Hercegovini" se provodi u 41 opštine/općine i grada i 199 mjesnih zajednica do 2024. godine, s ciljem poboljšanja kvalitete života i većeg angažmana 400.000 građana u procesima donošenja odluka, te povećanja rodne ravnopravnosti kroz sistemske promjene, kao i ciljane intervencije na lokalnom nivou.

NAJAVA OBILJEŽAVANJA DANA OPĆINA / GRADOVA ZA MJESEC MAJ / SVIBANJ

02. maj/svibanj - Dan Općine Centar Sarajevo. Na ovaj dan, 1992. godine dešavale su se presudne bitke za odbranu Predsjedništva RBiH.

02. maj/svibanj - Dan Općine Stari Grad. Na ovaj dan, 1992. godine dešavale su se presudne bitke za odbranu Starog Grada i Sarajeva, kao što su borba za kasarnu Druge armijske oblasti, presijecanje kolone motornih vozila u Dobrovoljačkoj ulici, odbrana zgrade Predsjedništva i oslobađanje predsjednika Predsjedništva BiH Alije Izetbegovića.



08. maj/svibanj - Dan Općine Kladanj i dan formiranja Teritorijalne odbrane 1992. godine.



15. maj/svibanj - Dan Općine Usora.



16. maj/svibanj - Dan Općine Novo Sarajevo. Na ovaj dan, 1992. godine desila se presudna „Pofalička bitka“, kojom je agresoru onemogućeno da podijeli Sarajevo.



20. maj/svibanj - Dan Općine Bugojno. Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.



23. maj/svibanj - Dan Općine Kalesija. Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.



24. maj/svibanj - Dan Općine Čitluk. Na taj dan 1306. godine Čitluk, odnosno Brotnjo, prvi put se spominje u trgovačkim odnosima s Dubrovnikom.



25. maj/svibanj - Dan Općine Bosanski Petrovac.



Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu proslijedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.